

Zeitschrift: Nebelspalter : das Humor- und Satire-Magazin
Band: 85 (1959)
Heft: 7

Illustration: Weltraumfahrer bringt Souvenir nach Hause
Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 15.03.2025

ETH-Bibliothek Zürich, E-Periodica, <https://www.e-periodica.ch>



«Aißi Marroni! Marroni ganz aiß!» hätt amigs dar Marronibröötler gruafa, wo untaram Metzgartöörli zKhuur siina Schtand khaa hätt. Für zähha Rappa hend miar Goofa a schööna Schggarnuzz pröötlati Marroni khriagt. Hütt langat a Zeenarli nümma witt, as git gad no zwai Marroni und dia säbba no ooni Schggarnuzz. Für dia Lütt, wo zuafälligerwiis nitt Khuurar sind, wetti no sääga, daß a Schggarnuzz a Papiir-sackh isch und a Schggarnüzzi a khliins Papiirseckhli.

Au zZürri dunna hätt's Marronibröötler. Dä, wo siina Schtand bej dar Geßnerbrugg uufgschtellt hätt, isch a Püntnar. Also a Püntnar wo da Zürchar dMarroni ussam Fүүr ussa hoolt ... Dä Grischun khann nitt nu Marroni broota, nai, är tuat au dichta und khomponiara. Siins Marroniliad hätt är uff a Platta gsunga, hätt a Gramafoon nääbat siina Oofa hääragschtellt und loot dia Platta immar widar aaba. Polizishta vu Zürri hend zu denna Töön khai Toon gsaid. Im Gäägatail, alli Schrot.. äh, alli Tschugg.. äh, alli Polizishta hend Fröüd khaa an demm glatta Khoga. Und denn isch zBauamt khoo. zHochbauamt. Mit ama iigschribbna Briaf: Marroni törfand nu ooni Musig varkhauft wärda. Musig isch Lärm und Lärm isch in dar Schtadt Zürri varbotta. Üüsara Marronibrootar hätt natüürlü khogamääßig aagfanga fluahha. Ma hätt na zwoor nitt khöört, well bej dar Geßnerbrugg dussa sowiso immar a Schwiikhrach isch, vu Töff, vu Tram, wo um Khurva umma pfiiffand, und vu Präßlufthemmar, mit denna d Shtrooßa uufgrissa wärdand ...

I waiß nitta, abar i khann fasch nitt glauba, daß dä Amtsschimmel vum Hochbauamt uus gwihharat hätt, well dar Schimmel vum Hochbauamt a Härzenspolitikhar isch. Und dä iigschribbni Briaf isch au nitt hooch gsii - ehandar tüüf!

Der schlaue Bräutigam

«Du, Karl, wänn wämmer dänn hüürate?»
«Muesch na e chli warte, Liebs: Sobald dLäbeschoschte abegönd ...» bi



Weltraumfahrer bringt Souvenir nach Hause

Kenner fahren
DKW!

Schwachstrom

Die Jumpfere Babett, längst nicht mehr die jüngste, hatte Lust auf eine Tasse Tee. Also ließ sie Wasser in ihr elektrisches Kocherli laufen, zählte die Teekrümel ins Tee-Ei, stellte die Kanne bereit und werkelte weiter, immer mit einem Ohr lauschend, ob das Wasser langsam koche. Doch nichts war zu

hören. Nach einiger Zeit hob sie den Deckel vom Pfännchen – noch kein Bläschen begann sich zu bilden. «Jojo», sagte Jumpfere Babett zu sich selber, «s Eläktrisch isch au nümmi was früener!»
Noch später, als ihr eben die sprichwörtliche Engelsgeduld ausgehen wollte, entdeckte sie, daß sie vergessen hatte, den Stecker des Kochers einzustecken ... pin

HOTEL HECHT
ST. GALLEN
Erstes, altrenommiertes Haus am Platze

KONGRESS HAUS ZÜRICH
GOLD-MEDAILLE
DIE SCHWEIZERISCHE AUSSTELLUNG FÜR LANDWIRTSCHAFT, FORSTWIRTSCHAFT UND GARTENBAU LUZERN 1934
ABTEILUNG WEINHANDLUNG
Verlangen Sie unsere Spezialweinliste für Stadtlieferungen.